

www.BibleForChildren.org

Matthew 8



Dya'utam kamoo dauna'an kaina'a mazidainao aroopa'azon Cana ii, Galilee Baara ia'oraz donoi. Jesus daro na'ia'o oroo. Jesus na'iki utominapa-kidaniinao, na'iti'o ĩdapada-kao kapam.



Aizii riwunii wine ipain idi'i naa, sariapa Jesus daro kian u'ati, "Ipai'i naa ĩriwun." Sariapa udaro kian na'ia'o poitoruinao ati, "Usha'apata pa'i na'apam dono ukian u'ati!"



Jesus kian naa poitoruinao ati, "Upaidada wuru'u dowada kidaz wunu idi." Uru'u naa ãkapowan wunu na'iki ãkawazootan naa dowada kida atii ãpaidan.



Udauna'an Jesus kian ñati, "Aizii ukapota'a naa dowada wazoo, utaa kizi kazowautapa'o aroapa-karu atiz." Uru'u naa ñna'akan u'idi'iti wuru'u wunuz, pana'adina'aka'oraz naa wine nii, na'iki uru'u naa utiwaanuz.



Mazan aonaa uaitapan na'iki'oram ukaawa-kida-kao.
(Soo poitoruinao kapotainaouz wunu, ñaitapa pa'an.)

Sariapa udapadan wuru'u
mazida'oraz na'iki ukian
u'ati, "Kiwiini'o padamata
kaimana'oraz wine
maokodauzo-kao."



"Aizii morowautapainao tuzan dono'o naa
kaimanaiman, udauna'an zii turuu sha'apa'oram
karikaonan wine
maokoda-kao. Mazan
pugaru pakawan zii
putaapan wuru'u
kaimana'oraz wine,
atii kai!"





Cana ia'o wuru'u kiwiini'oraz Jesus sha'apatan
umanawunu'o aimaakan. Na'ii
uaida-kidan na'apam paugaru
umanawunun. Uruu idi
kaimanaimana'a naa
utominapa-kidaniinao
mishidapan uruu.



Aizii Jesus kaawan dono Peter dapu
iti, na'ii utukapan Peter imauzo
washatinpan bed paawa'a, tuukia'o
omada wiichan pakarinaan idi.



Uruu idi Jesus zaamatan oka'u, sariapa omada
wiichan shabata'akan, na'iki okakuda'akan naa.
Na'iki'o okadishitan otaan naa Jesus
wanyukunuu nii.



Uruu wachuupunin, kamoo tipitan dauna'an, pidannao
kaawa-kidan Jesus ida'ati, ipai karinainao na'iki oia'o
doronainao
zaamatapaniinao kida
kapam. Ipai na'ii
sannao kasaba'ukinan
kida kabaun
panibazoota an.



Uruu dono Jesus kakudan iriba karinainao na'iki iriba ukodita-kidan oia'o doronainao pidannao ai kapam. Aonaa utaapadan oia'o doronainao paradan, usha'apanum kau'an ñaitapan idi uruu.



Tuukii pidannao aipan papishatan Jesus, usha'apanum
kau'an itukapan idi ma'ozaka Tominkaru kaudinan
u'ida'a, uso'ota pabi'inaaka kida'o rinai pidannao ai.


Uruu idi ukakuda
ipai pidannao
parinaa kida ai.




Jesus kowaadautan pu'u Kaimana'o Kuwai ñ'ati, uru'u naa 4 pidannao kaawa-kidan machi'ikaka'o pidan Jesus ida'ati, ñaipan ukakudanuzu.



Mazan pidannao iriban idi aonaa
ĩaitapan na'apam pamorota-kidan
uruu Jesus di'iti.



Uruu idi ãbadakatan kabaun
zowau'u, na'iki'i naa ãmorota-kidan
wuru'u machi'ikaka'oraz
pawashatinapa-kizi
baara an.




Jesus tukapan idi mishi ñmishidan tuukii manawun,
ukian machi'ikaka'o ati,
"Õdani, pu'oian
mainaabata'aka-kaoa'a
naa." "Õkian pu'ati,
pukadishita,
puzaamata
puwashatinapa-kizi,
na'iki pukiwa'a naa
pudapu iti."




Jesus paidinan kanawa zo'iti, utominapa-kidaniinao
makon kapam utuma karishii an.


Masha'apakiaka ma'ozaka'o
awaru kaawan karishii an,
na'iki kanawa
kichana'iti-kia'a naa,
udaawadainan wunu paran
idi. Mazan Jesus,
uda'awun.



Jesus kian ñ'ati, "Kanom nii dii utarian? Masakauda'u'o sha'a karikaonan umishidan?" Udauna'an ukadishita'akan, uru'u naa udyuudan ma'ozaka'o awaru na'iki wunu paran mashaadinan. Sariapa mishi amazada mashaadina'akan mashaa. Tuukii udi'itinapa-kida'akan patominapa-kidaniinao. "Kanom kaduzu'u naa pidan uruu?" ñkian.



"Atii awaru na'iki wunu paran mishida zii uparadan."



Tominkaru marainpan idi manawun
pidannao, utaa paudani bauda'apauzon.
Ukau'an na'ia'oram pidan mishidan
dono uruu, aona'o nii umawakauzon,
mazan uikodan nii karikaonanu'o
kakupa-karu.



Romans 3:23

Usha'apanum kau'an ipai pidan oia'o pa'idiwaru, aonaa kanom ikodinan Tominkaru umanawunun.

Romans 6:23

Usha'apanum kau'an oia'o sha'apata-kao winipinaa karikaonanu'o mawaka-karu. Mazan Tominkaru taanii mawinipinaa-daun karikaonanu'o kakupa-karu, wazaamatinpan ida'an Christ Jesus wanaobanaa ida'ati.

Hebrews 9:27

Ipai pidan mawakan nii baukapa, na'iki uruu dauna'an ikootowapa-kida-kao nii Tominkaru kanaapu iti.



Ephesians 2:8,9

Tominkaru kamunanun idi manawun, ukazannaatan unao umishidan idi Christ. Aonaa unao kaimanan idi'o mani wuru'u ukazannaatanuz unao, mazan kana'apani'o karikaonan utaan. Na'iki aonaa unao sha'apatan dikin ia'o mani kaiman kida'o aimaakan, uruu idi aonaa turuu pidan kian "Õkaimanan idi'o manawun wuru'u òkazannaata-kaoz."

Romans 10:9,10

Pukian an pidannao ati: "Jesus, uruu umanawunu'o òNaobanaa," na'iki pumishidan an punyukunuu iki Tominkaru kakudan uruu umawakan dauna'an, Tominkaru kazannaatan nii pugaru. Wamishidan idi'o wanyukunuu ii, Tominkaru dakotan waunao kaimana'o pidannao nii. Na'iki wakowaadan idi'o Jesus, uruu umanawunu'o waNaobanaa, Tominkaru kazannaatan waunao.



John 3:16,17

"Tominkaru marainpan idi manawun pidannao, utaa paudani bauda'apauzon. Ukau'an na'ia'oram pidan mishidan dono uruu, aona'o nii umawakauzon, mazan uikodan nii karikaonanu'o kakupa-karu. Tominkaru dyuudan pauDani imi'i baara ati, aonaa pataka'uta'o ni'o mani pidannao pa'oian dikin ii, mazan ãkazannaatin-kinaa ni'o pa'an.

1 John 5:11-13

Kaikapa'o wuru'u ukuwaaz: Tominkaru taani'i naa wa'ati karikaonanu'o kakupa-karu, na'iki wazaamatanuzu Tominkaru Dani ida'an. Pidan zaamatanpa'o Tominkaru Dani ida'ati, kaina'a'ora'a naa karikaonanu'o kakupa-karu u'ida'a. Mazan pidan, aona'oraz uzaamatanpan Tominkaru Dani ida'ati, aonaa karikaonanu'o kakupa-karu nii u'ida'a. Õsaadan di'ora'a kaarita unao ati, mishidainao Jesus Tominkaru Danin, uaitapa kizi kaina'a'ora'a naa karikaonanu'o kakupa-karu u'ida'a.



Matthew 8-9; Mark 1-2, 4; Luke 4, 8; John 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Wapishana NT (wap) © 2012, Wycliffe Bible
Translators, Inc. All rights reserved.

<https://live.bible.is/bible/WAPWBT/MAT/1>

©2026 Bible for Children, Inc.

www.M1914.org

www.bibleforchildren.org

